

Oqaluuserisassanut nassuiaat.

(Inatsisartut Siulittaasuat)

Inatsisartunut ilaasortaq Hans Aronsen, Inuit Ataqatigiit, upernaakkut ataatsimiinnerup sinnera sulinnigiffeqarpoq, taamaalillunilu sinniisussamik ataatsimiigiaqqusisoqarsimalluni. Adam Kristensen ataatsimiigiaqquneqarsimavoq Qinigaanerup Misilinneqarnissaanut Ataatsimiititaliallu Adam Kristensenip qinigaasinnaanera akuerisimallugu.

Taamaalillunga matumuuna inassutigaara Adam Kristensenip Hans Aronsenimut, Inuit Ataqatigiit, pineqartup sulinnigiffeqarnerani sinniisussatut Inatsisartut ataatsimiinneranut peqataanissaa Inatsisartut akuerissagaat.

Akerliusoqarnerluni

Adam Kristensen, tikilluarit, Inatsisartuni inissannut ingissinnaanngorputit tikilluaqqigillu.

Inatsisartunut ilaasortaq Eqaluk Høegh, Inuit Ataqatigiit, upernaakkut ataatsimiinnerup sinnera sulinnigiffeqarpoq, taamaalillunilu sinniisussamik ataatsimiigiaqqusisoqarsimalluni. Edvard Nielsen Aronsen ataatsimiigiaqquneqarsimavoq Qinigaanerup Misilinneqarnissaanut Ataatsimiititaliallu Edvard Nielsen Aronsenip qinigaasinnaanera akuerisimallugu.

Taamaalillunga matumuuna inassutigaara Edvard Nielsen Aronsenip Eqaluk Høeghimut, Inuit Ataqatigiit, pineqartup sulinnigiffeqarnerani sinniisussatut Inatsisartut ataatsimiinneranut peqataanissaa Inatsisartut akuerissagaat.

Akerliusoqarnerluni

Edvard Nielsen Aronsen, tikilluarit, Inatsisartuni inissannut ingissinnaanngorputit tikilluaqqigillu.

Oqaluuserisassani immikkoortup 62-ip,
”Meeqqat atuarfianni qanoq ililluni eqqumiitsuliornermik atuartitsinermik siuarsaanerup meeqqat atuarfiannik soqutiginarnerulersitsillunilu atuartut piginnaasaannik qaffassaasinnaanera kiisalu angusanik pitsaanerulersitsisinnanera pillugu apeqquteqaat aallaavigalugu oqallisissiaq. Taamattaaq qanoq ililluni eqqumiitsuliornermik ingerlataqartut atuartitsinermi annertunerusumik atorneqarsinnaanerit ilanngullugu.”,
oqaluuserineqarnissaata kinguartinneqarnissaanik Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisup qinnuteqaataa siulittaasoqarfiup akueraa.

Immikkoortoq 62 ulloq 7. Maj oqaluuserineqassaaq.

Taasisarnerit pillugit uku akornanni isumaqatigiissuteqartoqarpoq:

Mariane Paviasen, Inuit Ataqatigiit aamma Siverth K. Heilmann, Atassut

Jens Kristian Therkildsen, Siumut aamma Hans Enoksen, Naleraq

UPA 2024/2

J. nr. 01.25.01/24UPA-LABU-00002